



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

§. 1. Capite, & Principe percusso, etiam reliqua membra malum pati.


urn:nbn:de:hbz:466:1-45701

cere neglexit, & in primo morsello, ut putabat, muscam ori illatam, sensit quam cum nulla arte eicere valeret, deglutivit, & immediatè obfessa fuit, semper tamen usum rationis bonum habuit, licet saepe satius vexaretur a damone. Cum autem in domum parentum cum magna mœstitia reduceretur, & diutissime nullus reperiretur, qui illam liberare posset, tandem quidam frater nostri Ordinis, nunc magister Godfridus Schlüssel, sacra Theologia Professor, calamitati parentum & puella compatiens, se de eius exorcizatione intromisit pacto tali premio, ut si liberaretur, nihil terreni exorcista daretur, sed puella in castitate soluta, si vellet, liberè, & non in matrimonio, de cetero Deo militaret. Legit igitur Pater prefatus missam, obtulit obfessa oblationem consuetam, in eadem affuit per totum, & in nullo vexari videbatur, finitoq; officio, post satis diutinum exorcismi actum, membris omnibus virginei corporis panè percotusis, exijt demon, & ita virgo deinceps Domino in castitate seruit. Quàm multi hanc in culpa, quàm pauci in poenitentia imitantur? Quàm multos ira adigit, ut in nomine se diaboli facere dicant, quidquid faciunt? Quid igitur mirum, si puniantur? quod volunt, patiuntur, optata impetrant, reprehensionem parvam non sustinent, ut gravius castigentur. Quare sapienter monet Salomon: *Disciplinam Domini, fili mi, ne abijcias, nec desicias, cum ab eo corripis.* Nemini impatiens magis nocet, quàm sibi met ipsi.

Prou. 3. 11.

C A P V T XXV.

*Ex Herodis etiam regis pœna ostenditur, quàm justa sit diuina vindicta seueritas, in morbis & cladi-
bus inferendis?*

 Mne vulnus sentitur, & dolorem parit; sed nullum magis, quàm quod capiti infligitur. Ibi enim plures sunt nerui, & periculum vitæ præsentius incurritur. Ita sanè vulgus, & cetera Reipublicæ membra gemunt, quando fortunæ aut vitæ aliquod damnum subeunt; sed multò grauior est plaga, quam Princeps, Reges, & Imperatores patiuntur. Hinc, quemadmodum ad intentum iæum brachia objicimus, ne caput laedatur; ita etiam subditi se se pro Principibus suis exponunt, ne illi ali-

quid detrimenti patiantur. Subditi priuatam domum, aut agrum, aut vitam amittunt, Principe & Rep. stante; at cùm Princeps euertitur, aut ab hoste superatur, clades est communis per totam Prouinciã deriuanda, iuxta illud: *Percutiam pastorem, & dispergentur oves gregis.* Ita cùm omnis exercitus decollatum Holofernem audisset, fugit mens & consilium ab eis, & solo tremore & metu agitati fuga presidium sumunt. Ita, cum Pharaone rege, Ægyptij perierunt. Ita mortuus est Saul, & tres filij eius, & armiger ilius, & vniuersi viri eius, in die illa pariter. Ita quando captus est Sedecias rex, omnes bellatores, qui erant cum eo, dispersi sunt, & reliquerunt eum. Quare meritò Ecclesia, & omnis populus orans pro capite suo, ait: *Domine saluum fac regem: & exaudi nos in die, quã inuocauerimus te.* Quia autem saepe DEVS non exaudit orationem populi, sed sinit eiusmodi Príncipes extrema pati, sicut Sedeciam, quem Nabuchodonosor rex comprehendit, filios autem Sedecia occidit coram eo, & oculos eius effudit, & in catenis, & adduxit in Babylonem; ideò multi miseratione nimia moti, Domini iudicia ignorantes trahuntur in tentationem. Hi vt videant iustitias DEI, afferam regem omnibus notum, & ostendam quàm meritò sit à DEO etiam grauissimis malis punitus. Exemplum tantò erit efficacius, quantò testatius, quantoque minùs potest de eius veritate dubitari.

II.

Gorionides
Iudæus Fusè
Flauius Iosephus Hierosolymitanus
Sacerdos. li. 37. Antiquit. cap. 8. Euseb. lib. 7. hist. 8. Card. Baron. An. Christi 8. Philo lib. 2. de temporibus, & alij.

Est id etiam in pueros notissimum de rege Herode, quo Hierosolymis regnante, natus est Christus. Is postquam diuitijs, & potentia florens ad septuagesimum iam accedebat annum, eousque prospera vsus fortuna, multis, velut agmine facto, repente obrutus est malis. 1. Eum filij æmulatione inter se collisi, multis falsis accusationibus & delationibus incenderunt. 2. Quòd vni plus faueret quàm alteri, etiam conuicijs & ignominiosis querelis contristârunt. 3. Antipater, cui regnum, post se, destinârat, vt æmulos tolleret, duos fratres suos, per delatores in tantum Herodis odium perduxit, vt eos non conuictos interfici iuberet, Alexandrum scilicet, & Aristobulum. 4. Ille ipse Antipater, quem regni successorem voluerat esse, Herodi parenti, quòd nimis diu viueret, venenum parauit. 5. Eiusdem Antipatri calumnijs in Archelaũ & Philippũ mirè exasperatus est. 6. Olim Aman